

Il «pli aut» ustier da Turitg

«Top of Zürich»: Cun questa noziun fa Fry reclama per ses manaschi



Giusep Fry ha gia cun 23 onns manà l'ustaria sin il Üetliberg. Oz è el possessor.

ANR

■ (anr/vi) El ha da dir tge che marscha sin il spitg da la metropola da Turitg. Il «Uto Kulm» che sa chatta sisum il Üetliberg ed il terren ordenturn èn da Giusep Fry. Quai raquinta el senza far gronda bahautscha – sco sch'el schess ch'el haja in'acclasi sur Cumpadials. Là è Fry naschì 1959. Ma el na raquinta betg dad aclas en Surselva, ma bain da hotels ed ustarias en la metropola da Turitg. Insacur durant il discurs menziunescha el anc ch'el saja acziunari tar il Carlton enamez la citad. Ed in zichel pli tard: «Dapi in mais main jau anc l'ustaria a la staziun da l'Üetliberg.» Lezza sa numna Gmüetliberg.

Figl da purs – cuschinier – manager

Ma co u daco daventa in da Cumpadials il «pli aut» ustier da Turitg? La risposta da Fry è: «Igl è ina sfida speziala.» Gist il fatg che il «Uto Kulm» è in manaschi incalculabel plascha a Fry: «Mintga di èsi auter. I dependa da l'aura, da la stagiun u sch'i è

ina dumengia u in lavurdi.» Blers dis èsi da disponer puspè tut auter che planisà. E sche Fry di ch'el haja tschaffen da dumignar ord situaziuns extremas il maximum, lura di el quai en in tun calm e persvadent.

L'ustier n'ha betg fatg ina tipica carriera da manager. Emprèndi ha el da cuschinier e suenter ha el lavurà en divers hotels svizzers ed en Germania. Gia cun 23 onns è el vegnì engaschà sco manader da fatschenta en l'ustaria sin il Üetliberg: «En quella vegliadetgna na patratg'ins betg lunsch», commentescha el oz ses curaschi da surprender uschè baud ina gronda responsablada. Ma forsa haja ses curaschi era da far insatge cun sia uffanza. El saja stà il vegl da sis fragliuns en ina famiglia da purs. Là stoppian ins gia baud imprendder da lavurar sur sasez. Uschia è el era sa dustà bain sco giuven ustier a Turitg. 1987 è Fry daventà directur dal nov «Uto Kulm». Oz è el il possessor.

Bun organisatur

Enfin 1990 ha era sia dunna

Cordula Fry-Gadola lavurà en il «Uto Kulm». Oz s'occupescha ella dals dus pitschens uffants Vanessa e Fabian. Ustiers sa lamentan savens che la vita da famiglia piteschia pervi da lur temp da lavur. Ma Fry n'è betg il tip ustier che fa dependent il manaschi da sia preschientscha: «En sasez èsi organisà uschia ch'i na dovra betga adina mai.» Organisaziun e planisaziun saja insatge ch'el fetschia fitg gugent, raquinta Fry.

Questa habilitad dovri en in manaschi cun 50 emploiads nua ch'i ha radund 600 plazz en divers salas e stanzas per seminaris. Stagiun auta sin il Üetliberg èsi l'atun. Era sche Fry è oz manager, siglia el tuttina en «là nua ch'i brischa», sch'il persunal da service u da cuschina na po ina giada betg dar damogn.

L'ustier na vul betg star airi

Dapi che Fry ha cumenzà a far l'ustier sin il Üetliberg, è sa midà blier. L'emprim eri ina veglia ustaria d'excursiuns. Ins aveva empermess al giuven mainafatschenta ch'ins vegnia pli tard a renovar las localitads. Suenter paucs onns è Fry sa regurdà da questa empermischun ed ha spluntà tar la dretga gliעד per cuntanscher ch'i vegnia bajegià. El aveva vesì tge ch'era il principal sin il Üetliberg. Uschia ha el gi in pled en il chapitel cura tar la planisaziun dal hotel e da salas da banchet.

Era oz che Fry è possessor, vul el adina optimar ses manaschi. Dacurt ha el laschà fabrictar si la pli gronda terrassa cverta da la Svizra. Proximamain vegn la recepciun londervi ed in auter onn datti trais novas localitads per seminaris. «Mai star airi», quai è l'ustier «top of» Turitg.



L'hotel Uto Kulm sin l'Üetliberg che Giusep Fry numna «Top of Zurich». MAD